

IV. OPOSICIÓN E CONCURSOS**CONSELLERÍA DE CULTURA, LINGUA E XUVENTUDE**

ORDE do 8 de xullo de 2026 pola que se anuncia a convocatoria pública para a provisión, polo sistema de libre designación, dun posto de traballo vacante nesta consellería (código do posto CU.201.00.000.15770.001).

De conformidade co establecido no artigo 92 da Lei 2/2015, do 29 de abril, do emprego público de Galicia, e no artigo 26 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da Comunidade Autónoma de Galicia e das entidades públicas instrumentais integrantes do sector público autonómico, e no uso das atribucións conferidas polo artigo 17.2.c) da citada lei, esta consellería

DISPÓN:

Primeiro. Anunciar a convocatoria para cubrir, polo sistema de libre designación, o posto de traballo vacante que se relaciona no anexo I desta orde.

Segundo. Poderá concorrer a ela o persoal funcionario de carreira que reúna as condicións que para o posto de traballo se sinalan no anexo I.

Terceiro. As solicitudes presentaranse obrigatoriamente por medios electrónicos a través do formulario normalizado correspondente ao procedemento administrativo PR004A, dispoñible na sede electrónica da Xunta de Galicia <https://sede.xunta.gal>, mediante o cal se achegará a solicitude segundo o modelo que se inclúe no anexo II, no prazo de quince (15) días contados a partir do seguinte ao da publicación desta orde no *Diario Oficial de Galicia*.

Para a presentación electrónica poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e chave Chave365 (<https://sede.xunta.gal/chave365>).

Cuarto. As persoas aspirantes deberán xuntar á súa solicitude un currículo e xustificar mediante certificación ou copia electrónica auténtica os méritos que aleguen.

Quinto. Esta convocatoria será resolta pola Consellería de Cultura, Lingua e Xuventude. No caso de que resulte seleccionada para ocupar o posto de traballo que se anuncia no



anexo I desta orde unha persoa funcionaria de carreira con destino noutra Administración pública, tramitarase o seu traslado a esta comunidade autónoma conforme o previsto no artigo 67 do Real decreto 364/1995, do 10 de marzo, e demais disposicións concordantes.

Así mesmo, para a provisión por persoal funcionario doutras administracións terase en conta o procedemento establecido no artigo 29 do citado Decreto 151/2022, do 4 de agosto.

Sexto. A resolución desta convocatoria publicarase no *Diario Oficial de Galicia* e poderase declarar deserta, de considerarse oportuno.

Sétimo. O prazo de toma de posesión será de tres días hábiles se non implica cambio de residencia ou de sete días hábiles se comporta cambio de residencia. Cando a persoa adxudicataria do posto obteña coa súa toma de posesión o reingreso ao servizo activo, o prazo será dun mes, conforme o establecido no artigo 8 do Decreto 151/2022, do 4 de agosto.

O prazo posesorio cóntase a partir do día seguinte ao do cesamento, que se deberá producir dentro dos tres días hábiles seguintes ao da publicación da resolución no *Diario Oficial de Galicia*, ou desde a data en que se comunique a resolución do traslado á Comunidade Autónoma, para o caso do persoal funcionario de carreira doutras administracións públicas. Se a resolución comporta o reingreso ao servizo activo, o prazo de toma de posesión cóntase a partir do día seguinte ao da publicación da resolución no *Diario Oficial de Galicia*.

Oitavo. Contra esta orde, que esgota a vía administrativa, as persoas interesadas poderán interpoñer recurso potestativo de reposición, ante o conselleiro de Cultura, Lingua e Xuventude, no prazo dun mes contado a partir do día seguinte ao da súa publicación no *Diario Oficial de Galicia*, de conformidade co establecido na Lei 39/2015, do 1 de outubro, do procedemento administrativo común das administracións públicas, ou poderán impugnalas directamente, ante o xulgado do contencioso-administrativo competente, no prazo de dous meses contados a partir da mesma data, segundo o establecido na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 8 de xullo de 2026

José Carlos López Campos
Conselleiro de Cultura, Lingua e Xuventude

CVE-DOG: f8iyy208-jk1-dkg0-rsu1-xv6s1usnyzf6



ANEXO I

Código do posto: CU.201.00.000.15770.001.

Denominación do posto: secretario/a do/da secretario/a xeral técnico/a.

Centro de destino: Secretaría Xeral Técnica.

Localidade: Santiago de Compostela.

Corpo ou escala: xeral.

Subgrupo: C1-C2.

Nivel: 18.

Complemento específico: 8.064,84 euros.

Tipo de adscrición: A11-adscrición indistinta a funcionarios/as da Xunta de Galicia, Estado e comunidades autónomas.

Formación específica: (640) para persoal doutra Administración, curso de perfeccionamento de galego (R.I.).





ANEXO II
Modelo de solicitude

DATOS PERSOAIS				
Primeiro apelido		Segundo apelido		Nome
DNI	Data de nacemento	Corpo ou escala a que pertence	Grupo	Nº de RP
Domicilio, rúa e nº		Provincia	Localidade	Teléfono
Destino actual				
Consellería		Dependencia	Localidade	

SOLICITO: ser admitido/a na convocatoria para prover o posto de traballo, polo sistema de libre designación, anunciada pola Orde do 8 de xullo de 2026, ao considerar que reúno os requisitos exixidos para tomar parte para o posto de traballo que se indica:

Designación do posto de traballo	Nivel complemento de destino	Designación do posto de traballo	Centro directivo ou unidade de que depende	Localidade

TEMPO DE SERVIZOS PRESTADOS			
No corpo actual	Anos	Meses	Días

Noutros corpos	Anos	Meses	Días
.....			
.....			
.....			
No actual posto de traballo			

Outros destinos anteriores	Anos	Meses	Días

Títulos académicos:
.....
.....
.....

Cofecemento da lingua galega	Fala	Escribe	Entende

Outros méritos que deban facerse constar de acordo coas bases da convocatoria:
.....
.....
.....

Outros méritos que o/a candidato/a desexe facer constar:
.....
.....
.....

INFORMACIÓN BÁSICA SOBRE PROTECCIÓN DE DATOS PERSOAIS	
Responsable do tratamento	Xunta de Galicia. Consellería ou entidade á cal se dirixe esta solicitude, escrito ou comunicación
Finalidades do tratamento	Provisión de posto de traballo
Lexitimación para o tratamento	O cumprimento dunha obriga legal segundo a normativa xeral e sectorial referida en https://www.xunta.gal/informacion-xeral-proteccion-datos
Destinatarios dos datos	Os datos deberán ser comunicados á Dirección Xeral de Emprego Público e Administración de Persoal e publicados no <i>Diario Oficial de Galicia</i>
Exercicio de dereitos	As persoas interesadas poderán solicitar o acceso, rectificación, limitación e supresión dos seus datos, a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común segundo se recolle en https://www.xunta.gal/exercicio-de-dereitos
Contacto delegado/a de protección de datos e información adicional	https://www.xunta.gal/informacion-xeral-proteccion-datos

(Lugar, data e sinatura)

Consellería de Cultura, Lingua e Xuventude

